



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput IV. Nonum, decimum, undecimum, dundecimum, decimum-tertium,  
& decimum-quartum argumentum contra eamdem opinionem.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

nibus imputantur ad peccatum, tametsi ab ipsis actu non praecogitata. Quia ex hoc quod homines ratione praediti, vivunt absque debita reflexione ad prima syndereos dictamina; ex eo item quod de futura vita, deque vita praesenti recte instituenda, potiorique cura habenda anima, quam corporis, parum vel nihil solliciti, toti sint in satisfaciendis concupiscentiis, secularibusque desideriis; ex taliter (inquam) neglecto vita ordine, tamquam causa voluntaria & culpabili, per sequata sunt sequi innumera peccata, sicut & innumerabiles incogitantia, inconsiderationes & irreflexiones ad malitiam eorum. Quae proinde, licet non praecogitata, in culpabili ista causa ideo voluntaria censentur, quia potuerunt debueruntque praecogitari, & culpa hominis est, quod non praecogitaverit.

## C A P U T I V.

*Nonum, decimum, undecimum, duodecimum, decimum-tertium, & decimum-quartum argumentum contra eamdem opinionem.*

**27** **N**onum argumentum: si ad peccandum formaliter necessaria foret notitia seu advertentia actualis malitia, ideo esset quia alias peccatum, qua tale, non fore voluntarium. Sed ad hoc necessaria non est actualis notitia, seu advertentia malitia. Neque enim peccatum, qua tale, esse debet voluntarium formaliter & actu, sed suffici est voluntarium virtualiter & interpretativè. Ad voluntarium autem virtuale & interpretativum, eodem modo requiritur actus cognitionis, sicut & voluntatis ( ait Doctor Angelicus 1. 2. q. 6. a. 3. ) ut scilicet sit in potestate aliquius considerare, & velle, & agere. Sicut ergo ad voluntarium virtuale & interpretativum, seu indicetum, non requiritur volitus actualis, sed sufficit virtualis, consistens in eo quod homo possit & debeat velle; sic non requiritur cognitionis actualis, sed sufficit virtualis, consistens in eo quod homo possit & debeat cognoscere, seu considerare. Quia, sicut S. Doctor ibidem con querenter arguit, *sicut tunc non velle, & non agere, cum tempus fuerit, est voluntarium; ita & non considerare.*

**28** Et ratio cur virtualiter cognoscere & considerare censematur, qui potest & debet cognoscere & considerare, est tum quia cognoscere, posseque & debere cognoscere, aequiparantur in jure, sicut scire, posseque & debere scire. Tum quia, ut S. Doctor ait ibidem a. 7. ad 3. *tunc non totaliter tollitur cognitionis: quia non tollitur potestas cognoscendi; sed solum consideratio actualis in particulari operabilis.* Et tamen hoc ipso est voluntarium, secundum quod voluntarium dicitur, quod est in potestate voluntatis, ut non agere, & non velle, similiter & non considerare. Tum denique quia sicut qui potest & debet prohibere malum, & non prohibet, censetur ei virtualiter con-

sentire, licet actu non consentiat cap. *sicut dignum de sentent. excom. Gloss. in l. culpa 36. ff. de reg. jur.* Et qui tacet, cum potest & debet negare, censetur virtualiter concedere, licet actu non concedat cap. *qui tacet de reg. jur. in 6. cap. nonne de presumpt. l. 2. §. voluntate ff. de solv. matr.* sic qui potest & debet scientiam, seu notitiam & advertentiam comparare, & non comparat, sed vel neglit, vel notitiam & advertentiam in seipso voluntariè impedit, per passionem vel habitum pravum, &c. licet scientiam, notitiam, vel advertentiam actu non habeat, censetur virtualiter scire, noscere, advertere, saltem hoc sensu quod perinde pectet ac si sciret, nosceret & adverteret. Eò quod malum, quod per ignorantiam, incogitantiam & inadvertentiam committit, ipsi voluntarium sit in causa, voluntariè utique ignorantia, incogitantia, & inadvertentia, uti docet S. Thomas lect. 3. in cap. 1. lib. 3. Ethic. Dum ( inquit ) aliquis ignorat id quod eum oportet scire, *talis ignorantia non causat involuntariorum: quia ignorantia huiusmodi non potest homini habenti usum rationis proverire nisi ex negligentia.* Quia quilibet tenetur adhibere sollicitudinem ad sciendum quid oporteat eum facere, aut vivere. Unde si ipsa ignorantia reputatur voluntaria, cum homo eam non vult vivere, sicut tenetur consequens est, quod nec illud, quod per ejusmodi ignorantiam sit, involuntarium iudicetur. 1. 2. q. 6. a. 8. dicitur voluntaria ignorantia ejus quod quis potest scire & debet. Et hinc q. 7. 4. a. 7. ad 2. concludit, quod ex hoc ipso quod ratio superior non dirigit actus humanos secundum legem divinam, impediens actum peccati, dicitur ipsa consentire, sive cogitat de lege aeterna, sive non ( nota bene ) cum enim cogitat de lege aeterna actu, eam contemnit; cum vero non cogitat, eam negligit, per modum omissionis cuiusdam. Unde omnibus modis confessus in actum peccati procedit ex superiori ratione vel contemnente legem aeternam, dum de ea actu cogitat, vel eam negligente, dum actu non cogitat.

Decimum argumentum: non est idonea in cogitantia seu inadvertentia & inconsiderationis excusatio, ubi ipsa incogititia, seu inadvertentia & inconsideratio voluntaria est & culpabilis. Talis namque incogititia & inconsideratio non magis excusat, quam ignorantia culpabilis & voluntaria. Quam fide certum est non excusare. Excusaret tamen, si formaliter non peccaret, nisi qui actu scit vel adverteret se peccare. Hoc enim posito, nullus peccaret, nisi qui actu sciret, vel adverteret se peccare. Nullus ergo peccatum ignorantiae committeret; neque enim peccatum ignorantiae est, quod peccatum esse actu cognoscitur, vel dubitatur.

Undecimum argumentum: peccata non ex causat necessitas, nec impotentia culpabilis & voluntaria. Ergo nec inconsideratio seu incogititia culpabilis & voluntaria, seu voluntarius defectus actualis cognitionis & con-

siderationis malitia, etiam in confuso. Consequentia bona est, ab omnimoda paritate rationis. Antecedens, est communis doctrina Sanctorum, apud quos nihil solemnius, quam effatum istud Anselmi lib. de concord. c. 17. *Impotensia, qua descendit ex culpa, non excusat à culpa impotentem, culpam manentem.* Quorum verborum sensus verus, naturalis & genuinus est, quod talis impotensia non excusat à culpa impotentiam consequente, distinguita proinde à culpa impotentiam antecedente, sive per quam causata est impotensia: utpote à qua, etiam non manente, nunquam excusat, nec excusat potest impotensia ipsam consequens. Frustra proinde Anselmus adderet *culpam manentem.* Sed & ridiculum foret querere vel disputare, an, manente culpam, per quam causata est impotensia, hæc ab illa excusat? Cùm evidenter inexcusabilis sit, quamdiu manet.

<sup>31</sup> Solemni effato Anselmi, conforme est effatum Augustini l. i. retractat. c. 15. dicunt: *Qui cogenti cupiditatibus resistere non potest, & idcirco facit contra præcepta iustitiae, jam hoc ita peccatum est, ut sit etiam pena peccati.* Proinde peccatum est distinctum à peccato cuius est pena. Et lib. i. oper. imperf. contra Julian. c. 105. *Neceſſe eſt ut peccet, qui nescien- do quid facere debeat, quod non debet facit.* De quo genere malorum Deus rogauer, ubi dicuntur: „*delicta juventis meæ & ignorantiae meæ ne memineris.* „*Quod genus delictorum si non imputaret Deus iustus, non sibi dimitti posceret homo fidelis.* Et cap. 106. *Neceſſe eſt ut peccet à quo ignoratur iustitia.* Et l. de perfect. iust. c. 6. *Peccatum eſt, vel cum non eſt charitas qua eſſe debet, vel minor eſt quam eſſe debet, sive hoc voluntate vitari poffit, sive non poffit.* *Quia si potest, praesens voluntas hoc facit;* si autem non potest, preterita voluntas hoc fecit.

<sup>32</sup> Conforme quoque est solemne istud Hugo Victorini l. i. de Sacram. p. 7. c. 23. *Non potest excusare necessitas, quam præcedens opera eſt voluntas.* Et istud Bernardi serm. 81. in Cant. *Nec necessitas, cum voluntaria sit, excusare valet voluntatem.*

<sup>33</sup> *Enimvero si necessitas voluntaria excusaret, voluntarius gratia defectus, sine qua peccatum vitari nequit, excusaret à peccato.* Quod negant Sancti, uti demonstravimus l. 9. cap. 24.

<sup>34</sup> Negant etiam cum Sanctis non pauci nec infimi nominis Theologi, scilicet Ferrariensis l. 3. contra Gent. c. 159. & 160. Henricus Gandavensis, Abulensis, Gregorius, Cajetanus, Roffensis, Ruardus Tapperus apud Vazquez l. p. disput. 97. c. 2. & 3. Thomas de Lemos in Panoplia gratia to. 3. p. 2. p. 38. num. 138. p. 94. n. 432. Etto. 4. p. 2. p. 92. n. 284. & 285. Antonius Massouleius, Inquisitor Tholofianus, & Reverendissimi Patris Antonini Clouche Ord. Prædic. Generalis Socius, libro cui titulus, *D. Thomas sui Interpres, de motione divina, & libertate creatæ dissert.* l. q. 8. Gonet in Glypto Thomistico tr. 5. disput. 5. a. 5. Tom. I.

Argumentum duodecimum: excæatio, seu 35  
cæcitas mentis, quæ ex peccatorum actualium gurgite provenit, cui se sponte peccator immersit, sic ut justo Dei iudicio, extintæ omni luce divinae gratiæ, in altissimis tenebris à Deo deseratur, atque adeò importet omnitudinem privationem cognitionis spiritualium, ut S. Thomas docet 2. 2. q. 15. a. 2. in corp. juxta communem doctrinam Sanctorum, non excusat à peccatis per illam cæcitatem commissis, licet homo per cæcitatem peccare se nesciar, nec adverterat, eò quod utique in ipso iam oculus mentis extintus eſt, ut Augustinus dicit in Psal. 57. & taliter excæcati sint *destituti omni lumine veritatis*, utidem ait lib. de perfect. iustit. c. 19. Tametsi enim lumen vultus divini 36  
in ipsis signaturn adhuc maneat, non penitus extinctum ac deleton, quoad universalia legis naturæ principia; exunctum tamen est, quoad particulare operabile, uti docet S. Thomas 1. 2. q. 94. a. 6. Et lucet, quandoque vivunt, aliquæ divini luminis scintillatione subinde invitentur ad resipiscientiam; certum tamen est scintillationem illam raram esse, ipsosque frequenter omni divino lumine seu gratiâ intellectus ad tempus destitui, utpote in cujus subtractione cæcitas ipsorum consistit, uti vidiimus ex Augustino & S. Thoma locis citatis; unde & taliter excæcati fatentur Sap. 5. *Ju- stitia lumen non luxit nobis, & sol intelligentia non est ortus nobis.* Et de Judæis taliter excæcati Christus Joan. 12. *Proptereā non poterant credere, qua uerum dixi Igitur: excacavit oculus eorum, & induravit cor eorum, ut non videant oculis, & non intelligent corde.* Ipsaque experientia idipsum evincit: cùm de se 37  
ipsis ipsum excæcati fateantur, sèpè nullis se conscientiæ remorsibus pulsari, dum peccant: quia nimis tamen idcirco excusat: cùm istius inadvertientia causam propriâ voluntate & iniquitate dederint. Ideoque peccata ipsorum ab Augustino l. 5. contra Julian. c. 3. (alias 4.) vocantur *& peccatorum supplicia præteritorum, & suppliciorum merita futurorum.* Et de Judæis, ut supra excæcati, Christus Joan. 15. *Nunc autem excusationem non habent de pec- catoso.* Et Apostolus Rom. 1. *qui ea faciunt, digni sunt morte.* Videri potest Massouleius 38  
loci citato, ubi pro certo habet, excæcati & obdurati nulla à Deo concedia auxilia, etiam sufficiens. Quod & probat Lemos to. 4. p. 2. tr. 3. c. 16. Et nos pluribus ostendimus libro 9. c. 20. 21. 22. 25. 27. &c.

Argumentum decimum-tertium: si adver-  
tentia actualis requireretur ad peccandum for-  
maliter & imputabiliter, sequeretur Atheos,  
Nerones, Caligulas, Heliogabalos, & simili-  
tia hominum monstra, putidas etiam publicarum libidinum victimas, abjecto omni di-  
vino & humano timore, abominabilia sine  
abominatione, in modo summa cum delæctatione,  
tranquillâ conscientiâ (ut Bernardus loquitur  
in l. de conscientia ad quemdam Religiosum)

Ord. Cisterc.) id est absque ullo conscientia scrupulo, adeoque sine ulla actuali ad malitiam reflexione perpetrantes, in ipsis formaliter & imputabiliter non peccare. Quod & dictum, & auditu horribile est. Videatur S. Bernardus loco citato, ubi taliter peccantes de pingit eos, qui in profundum malorum ven erunt.

40 Argumentum decimum-quartum: dato, non concessio, quod synderesis non esset in talibus penitus ablique voce, dum abominabilia ista committunt; quia tamen omnia rectae operationis principia pravis habitibus, frequenti que & diurno Dei contemptu in ipsis adeo corrupta sunt, ratioque excusat, & cor ob duratum, ut vix umquam deo cogitent, sed tantum de satiatis brutalitatibus, crudelitatibus, passionibus & inclinationibus suis; negari nequit, synderesim esse in ipsis per habitus pravos adeo impeditam, tantisque obici bus circumseptam, ut vix tenuis vox ipsius ad cor eorum valeat pervenire. Tales proinde vel non peccabunt formaliter per brutalitates illas, &c. defectu reflexionis actualis ad malitiam; vel certe tanto minus imputabiliter peccabunt, quanto minori cum reflexione; quanto proinde excusatius, tranquilliùs, & cum minori conscientiae remorsu; quanto magis per effrenatas passiones & brutalitates suas, pravosque habitus & consuetudines erunt excusat; quanto denique magis similes se rediderint equis & mulis, quibus non est intellectus (si enim advertentia & reflexio actualis ad malitiam necessaria si ad formaliter peccandum, major advertentia necessaria erit ad magis peccandum, secundum illud: *Sicut se habet simpliciter ad simpliciter, ita magis ad magis.* Tantò proinde minus imputabile erit peccatum; quanto minori cum advertentia commissum.) Istud autem nemo sapiens dixerit: utpote aperte contra Scripturam Job. 15. *Quanto magis abominabilis & iniustus homo, qui bibit quasi aquam iniquitatem?* Aperte etiam contra rationem rectam, quæ dicit, æquum non esse quod per voluntarium sui excusat onem peccatores acquirant privilegium formali cujusdam impeccabilitatis, vel minoris peccabilitatis, peccato per se imputabili, pro toto tempore tantæ suæ cæcitatibus, ut vel prorsus actu non adverterant, vel vix adverterant se peccare per abominationes suas, ita ut in ipsis verificetur illud Proverb. 4. *Via impiorum tenebrosa, nesciunt ubi corrumpunt;* & nihilominus inexcusabiles esse convincantur, ex eo quod passionibus & pravis habitibus suis consuetudinibusque resistere possint, & resistendo locum dare debita considerationi. Et, ut subinde non possint, impotentiam istam suo sibi virtu comparant, in tantamque imbecillitatem justo Dei judicio devenerint, qui non sinit deinde peccati sine dedecore vindicta, indefatigabili lege spargens paenæ cæcitas & imbecillitates super illicitas hominum cupiditat es, ut Augustinus dicit; & usque adeo verum

est, ut ne Prophetas quidem & Magistros consulendo, veritatem assequantur. Justo quippe 41 Dei iudicio incident in Prophetas & Magistros sibi similes, id est cæcos, de quibus IIa. 56. *Speculatori ejus cœci omnes, nescierunt universi; canes muti, non valentes latrare; videntes vana, dormientes, & amantes somnia.* Per Ezechiem quippe c. 14. dicit Dominus: *Qui posuerit immundicias suas in corde suo.... & venerit ad Prophetam, interrogans per eum me, ego Dominus respondebo ei in multitudine immundiciarum suarum.... Ego Dominus decepi Prophetam illum... juxta iniquitatem interrogantis, iniquitas Propheta erit.*

Timente proinde, qui se tutos existimant 42 in conscientia, dum in praxi secuti fuerint laxiora opinamenta (revera falsa) nonnullorum Authorum, vel Confessorum, quos Deus sapè, ob ipsorum & interrogantium peccata excœavit. Ob ipsorum quidem, quia ex nimio studio, seu hominibus placendi, seu popularem plausum captandi, dum de ratione sua maleficiata, inconsultis germanis fontibus Moralis Christianæ, nimium præsumunt, præconceptis opinionibus suis, vel Sodalitii sui tenacius inhærentes, ideoque saniorem contrariorum Doctorum Theologiam, vel confidere negligentes, vel etiam contemnentes, & invidiosè traducentes, justo Dei iudicio loquuntur falsa. Ob interrogantium verò peccata, dum sincerè Deum non colentes, non tam solliciti sunt de consulendis loquentibus vera, quam placentia.

## CAPUT V.

*Argumentum decimum-quintum ex Concilio Diopolitano.*

IN eo namque damnatus fuit error iste Celestii: *Oblivio & ignorânia non subjacent peccato, quoniam non eveniunt secundum voluntatem, sed secundum necessitatem.* Quem errorem damnando, Concilium istud definivit, peccati posse per ignorantiam & oblivionem, tunc etiam, quando ignorantia & oblivio voluntarium excludere, necessitatemque inducere videntur; utique dum ignorantia & oblivio tales sunt, ut omnem peccati seu malitiae actualiem cognitionem & conscientiam excludant. Tunc quippe voluntatem excludi, necessitatemque induci contendunt Authores opinionis, contra quam disputamus. Id (inquam) contendunt cum Celestio, cuius nomine Etritobulus apud D. Hieronymum lib. 1. Dialogorum contra Pelagianos c. 10. Rogo te (inquit) que est ista justitia; ut in peccato teneat erroris, cuius reatum non habet conscientia? nescio me peccasse, & ejus rei quam nescio penas lno? Et quid plus faciam si sponse pec cavero? Hanc querimoniam insanam, & sacris Litteris adversam esse, probat Hieronymus ibidem. Dolendum proinde quod eam secuti Socii Parisiensis epist. 3. (Paris anno